

DISSIPLINÊRE KODE

Dissiplinêre stappe teenoor 'n leerling wat hom skuldig maak aan wangedrag, lees soos volg:

- Fase 1: Dissiplinêre register
- Fase 2: Finale waarskuwing
- Fase 3: Tydelike skorsing - 10 skooldae
- Fase 4: Tydelike skorsing - 20 skooldae
- Fase 5: Permanente skorsing

Die dagbestuur van die Direksie is die liggaam wat optree as Tugkomitee.

Elke dissiplinêre geval word op meriete hanteer en dit kan gebeur dat die Direksie besluit om sekere fases oor te slaan na gelang van die graad van die oortreding.

Hier volg dan 'n bondige verduideliking van wat elke fase beteken en die konsekwensies wat dit vir die betrokke leerling mag inhou.

Fase 1: Dissiplinêre Register

- * Die hoof hou 'n dissiplinêre rekord van elke leerling in die kantoor. Die datum van die oortreding word noukeurig aangeteken, asook die aard van die oortreding. 'n Gepaste korrektiewe optrede word aan die leerlinge gegee in lyn met die aard van die oortreding.
- * Met 'n tweede oortreding wat in die dissiplinêre register opgeskryf word, word die leerling se ouers skriftelik daarvan verwittig.
- * Met die derde oortreding wat in die dissiplinêre register opgeskryf word, word die leerling se ouers skriftelik verwittig om 'n afspraak met die skoolhoof te maak. Hierdie afspraak word aan die Direksie rapporteer.
- * Leerlinge wat vir twintig skooldae na die laaste inskrywing in die dissiplinêre register geen verdere oortreding begaan nie, kan met 'n skoon rekord begin binne die diskresie van die skoolhoof. Die twintig skooldae loop oor in 'n volgende skooljaar indien nodig.

Fase 2: Finale Waarskuwing

- * Indien 'n leerling 'n verdere oortreding begaan, selfs nadat die skoolhoof 'n afspraak met die leerling se ouers nagekom het, sal sodanige leerling 'n skriftelike finale waarskuwing van die skoolhoof ontvang.
- * Die leerling se ouers sal hierdie skriftelike waarskuwing saam met die leerling erken deur dit te teken.
- * Die skoolhoof rapporteer hierdie optrede aan die Dagbestuur van die Direksie.
- * Leerlinge wat vir veertig skooldae na die uitreiking van sodanige skriftelike rekord geen verdere oortredings begaan nie, kan met 'n skoon rekord begin binne die diskresie van die skoolhoof. Die veertig skooldae loop oor in 'n volgende skooljaar indien nodig.

Fase 3: Tydelike skorsing - 10 dae

- * Indien 'n leerling egter voortgaan om dissiplinêre probleme te gee, selfs nadat sodanige leerling 'n finale skriftelike waarskuwing ontvang het, word sodanige leerling se oortredings voor die

Dagbestuur van die Direksie gelê.

- * Na gelang van die oortreding kan die direksie hierdie leerling tydelik skors tot 'n maksimum van tien (10) skooldae.
- * Leerlinge wat vir een skooltermyn na die tydelike skorsing van tot tien (10) dae geen verdere oortreding begaan nie, kan met 'n skoon rekord begin, binne die diskresie van die skoolhoof. Die skooltermyn loop oor in 'n volgende skooljaar indien nodig.

Fase 4: Tydelike skorsing - 20 dae

- * Indien 'n leerling egter voortgaan om dissiplinêre probleme te gee, selfs nadat sodanige leerling vir 'n tydperk tot en met tien (10) skooldae tydelik geskors is, word sodanige leerlinge se oortredings weer voor die Dagbestuur gelê.
- * Na gelang van die oortreding kan die direksie hierdie leerling tydelik skors tot 'n maksimum van twintig (20) skooldae.
- * Leerlinge wat vir twee skooltermyne na die tydelike skorsing van tot twintig (20) dae geen verder oortreding begaan nie, kan met 'n skoon rekord begin, binne die diskresie van die skoolhoof. Die twee skooltermyne loop oor in 'n volgende skooljaar indien nodig.

Fase 5: Permanente skorsing

- * Indien 'n leerling egter voortgaan om dissiplinêre probleme te gee, selfs nadat sodanige leerling vir 'n tydperk tot en met twintig (20) skooldae tydelik geskors is, word sodanige leerling se oortreding voor die Dagbestuur gelê.
- * Die dagbestuur van die Direksie hanteer elke dissiplinêre saak op meriete, maar is by magte om 'n leerling permanent te skors.

Dit is belangrik dat ouers en leerlinge besef dat 'n leerling aan 'n korrektiewe stelsel onderwerp word, wat die leerling wil lei om sy eie wangedrag te besef en reg te stel.

Elke leerling word as 'n individu op meriete hanteer.

Wanneer 'n leerling hom egter skuldig maak aan wangedrag in die ergste graad, is die skoolhoof by magte om sodanige leerling soos volg te hanteer.

Erge Wangedrag

- * Wanneer 'n leerling skuldig bevind word aan erge wangedrag kan sodanige leerling dadelik voor die Dagbestuur van die direksie verskyn wat dan sal optree as Tugkomitee.
- * Die Dagbestuur is in sy hoedanigheid as Tugkomitee by magte om enige fase van die dissiplinêre kode te implementeer.
- * Die volgende oortredinge word beskou as oortreding in die ergste graad:

Besit of gebruik van sigarette

Besit of gebruik van alkohol

Besit of gebruik van dwelms

Besit of gebruik van pornografie

Arrestasie deur die polisie

Gewelddadige optrede by skoolfunksies

Geweldadige optrede buite skoolverband terwyl leerling nog in skooldrag is
Brutale, arrogante/astrante optrede teenoor enige personeellid van hierdie skool
Herhaalde afwesigheid sonder enige verskoning vanaf die skool wat aanleiding gee tot onderprestasie
Enige kriminele optrede
Optrede wat kan lei tot 'n swangerskap
Okkultiese bedrywighede
Steel
Vandalisme